

吳文節公遺集

卷三十七之四十一



10272

吳文節公遺集卷三十七目錄

公牘

批上饒縣鄭守誠等呈控馬廷芝等聚眾製械由

批奉新縣熊景佐等呈控黃春暉拖欠鹽課由

批奉新縣黃春暉呈訴詐傳院批由

批奉新縣黃春暉呈控萬重修捏批圖陷由

批萬安縣詳王立義受雇載私由

批臬司會詳審明私船水手由

批萬載縣詳審結職員王光佐夫婦各呈送嫡庶

二子不孝由

吳文節公遺集卷三十七目錄

批委員候補縣等稟請議敘由

批臬司詳進賢縣生員胡廷琛被搶由

批永豐縣詳黃秀茂等謀命圖詐由

批鉛山縣稟查辦汎弁賄縱烟匪由

批豐城縣詳武生楊儒傑等掉竊客銀由

批崇義縣詳審辦竊賊郭定誥由

札撫州府查訊臨川縣民朱桂茂控伊妻被朱全

山毆斃一案由

批萍鄉縣監生劉卓城呈訴伊孫忤逆由

批萍鄉縣監生劉卓城再呈訴伊孫忤逆由



吳文節公遺集卷三十七

男養原謹編

公牘

批上饒縣鄭守誠等呈控馬廷芝等聚眾製械由查粘呈刻板書四本其中詩詞鄙俚紕繆處不一而足想皆係不學無術之徒附會所爲本院徧檢新舊唐書並無李德勝其人則其人之不經可知人且不經神於何有靈於何有此等淫祀如其廟貌尙存正宜拆廟毀像以正祀典而警愚頑特江右風習類多信鬼詔神儻使該民人等止爲奉祀香火祈求晴雨起見如土神社

吳文節公遺集

卷三十七

一

廟一般別無爭競則修其教不易其俗本院亦不復深求今乃因修廟迎神而啟訟端該民鄭守誠等控馬廷芝等聚眾千人製造礮械等情而訊據抱告徐勝患亦供稱鄭守誠等前往迎神令每都戶出一人人持一棍是兩造各挾一械鬪情狀因事神而滋訟因訟而至械鬪此其流弊無窮皆眾人所指目之妄神階之禍也尤宜將該土偶投諸水火以絕根株惟察覈兩造控情及徐勝患供詞大約兩造爲爭神起衅實係爲爭利起衅借詞修廟插身董事目前可以斂錢分肥此借神漁利之一端也在距廟最近之都則願將土偶據爲已有不

許他出俾癡騃愚氓紛紛前來燒香布施可以坐獲香資在距廟漸遠之都則願將土偶擡赴彼都俾癡騃愚氓紛紛隨往燒香布施可以輪獲香資此又借神漁利之夙弊也此等紳衿實士林之蠹此等百姓亦奸黠之魁均須按法懲治他案有一非卽有一是此案兩造均無是處仰布政司會同按察司卽飭廣信府先行查察該廟究竟始於何年有無妄言惑眾情事應否將該土偶剉斬毀棄不准立廟抑應徇俗仍舊安定章程不准兩造妄爭俾奸民知懲而愚民相安一面提齊人證卷宗酌理準情嚴訊究斷其妄庸健訟滋事不逞之徒各吳文節公遺集卷三十七

二

治以應得之罪詳候察奪現詞同前陳有相等所遞一詞并發查辦粘件并抱告供詞并發

批奉新縣熊景佐等呈控黃春暉拖欠鹽課由

查閱錄呈道批此案業經由道批發安義縣吊據訊辦本年十一月十四日本部院衙門並無據黃春暉具呈批府提訊之事該職員等詞後鈔粘呈批究係何人捏造膽玩已極仰鹽法道速飭該縣併究詳辦毋稍飾延附發粘批一紙並卽轉發該縣查覈辦理

批奉新縣黃春暉呈訴詐傳院批由

前據熊景佐等鈔批具呈當查本部院衙門並無據黃

春暉具呈批府提訊之事究係何人捏造批道飭縣併  
究在案茲據黃春暉呈稱前批係萬重修代告鈔付等  
語是其詐傳本部院批語已據自認不諱而特幻出一  
萬重修之詭名計思諉卸膽玩刁狡可惡已極仰鹽法  
道速飭該縣先將黃春暉捐職詳革嚴行訊究按擬懲  
辦其被控欠課之案一併飭縣嚴訊究辦毋任狡飾延  
縱鈔粘並發抱告黃德全押發首縣遞回安義縣收審  
批奉新縣黃春暉呈控萬重修捏批圖陷由

查萬重修捏造院批現據該司等轉據委員訊明黃春  
暉係事後知情分別議擬具詳茲黃春暉以萬重修串

吳文節公遺集

卷三十七

三

熊捏批圖陷伊不知情等詞隨詳來轅翻控查萬重修  
係黃春暉一造訟師自無與熊景蘇等一造串通之理  
卽黃春暉前次來轅遞具呈詞亦自稱萬重修代做代  
告捏批哄騙等語今忽改稱批係萬重修串熊捏陷竟  
欲將此造捏批之事卸置彼造其居心刁惡可惡已極  
仰按察司飭再提集犯證研訊明確據實詳辦如係黃  
春暉捏情圖翻卽照例嚴行懲治毋稍寬縱切切

批萬安縣詳王立義受雇載私由

此案前據卡員稟報李世培藍世選王立義三名均係  
鹽犯惟林長生仔一名係屬水手今該縣提訊李世培

等三名亦俱供係水手因在逃船戶郭錫義受雇載私該犯等聽許力錢允從幫駕而於受雇之正犯販鹽之私梟皆誘爲在逃之人與卡員所稟迥不相符明係該縣任犯狡供遷就了案當此私鹽充斥艱務極壞之時緝私員弁旣不能有犯必獲而獲犯到案地方官猶一味遷就不肯認真究辦何以戢私梟而疏官引殊爲可恨仰按察司會同鹽法道卽飭吉安府將此案同該縣另詳林得光一案一併親提嚴訊實在販私確情究明私鹽買自何處何人運往何處窩囤銷售是否積慣濟梟同夥實有幾人務得切供據實按擬詳辦該府身膺臬文節公遺集

卷三十七

四

方面如亦護庇鹽犯狃於化案積習定將該府縣一併嚴叅仍飭該縣勒拏逸犯務獲解府併究至林長生仔一名如果訊明實無得錢幫同載私情事卽先行釋放不必拖累仍候督部堂批示繳

批臬司鹽道會詳審明私船水手由

此案王立義等旣據審明實係水手船戶攬雇生意水手不能作主該犯等僅止聽許趕路錢二百文又未入手何必科以受雇載私爲從之條虛示嚴切惟該犯等知情貪利亦屬冒法當各用大枷枷號兩個月卽在良口卡河干示眾滿日重責二十板釋放耳目昭彰庶足

以示懲儆但該府縣如敢私放並不枷號本院密遣的人查出則該府縣難辭重咎也仰卽轉飭遵照仍錄批報明督部堂並候批示繳

批萬載縣詳審結職員王光佐夫婦各呈送嫡庶  
二子不孝由

父母於子情關天性地方官審斷此等案件自當本之天性俯順輿情酌量變通豈可概繩以法此案監生王見珍王玉珍弟兄先因分析家財互相爭競被其父王光佐其母王李氏呈送現在王光佐旣懇求恩全則父子母子之天性如初該縣惟當面誠王見珍王玉珍等吳文節公遺集卷三十七

五

以後益當和睦手足勿競錢財以體父母之心若必革監折責在王見珍等固咎無可辭恐王光佐夫婦反不能無悔憾也增一層官法徒減一分天性轉非所以導之孝弟之路也仰卽遵照將該監生王見珍等當堂剴切教誡諭令王光佐領回管教所請革監折責發落之處應毋庸議仍將遵辦緣由具覆並錄批呈報

督部堂  
學院

並候批示繳

批委員候補縣等稟請議敘由

無論該員等現稟獲犯起數與前贛南道府所稟數目不符且該員等本係會同各廳縣查拏其如何出力之

處亦尚須察覈乃公然以某當儘先補用某當加予陞銜銖較寸量自保自薦此等躁妄之風亦胡可長耶仰按察司會同布政司嚴行申飭至贛南一帶當上年查辦之始一切吸販之徒雖日獲百起無難經歷數月獲止此數本無可見功所有該道府前請獎勵批司查議之案並著無庸議此繳摺存

批臬司詳進賢縣生員胡廷琛被搶由

此案胡廷琛前報伊弟胡懷清押錢赴縣買穀船泊青嵐湖口被匪上船毆傷搶去錢文衣物業經該前署縣勘驗訊明今忽改稱係遭風遭風情形與被搶情形迥

吳文節公遺集

卷三十七

六

然不同原勘該船並無損壞形跡如果翻溺拖回豈能一無損壞且就現訊供情而論胡懷清如果挪用錢文不能措歸正可借此遭風沈溺事出意外幸有打撈散失地步可以躲閃將實情向伊兄告知有何懼怕而捏稱被搶耶况船戶楊萬先等並未與胡懷清同用錢文自家船隻已被遭風翻溺其篙槳零物斷難一無損失方將急訴其苦有何不是怕擔而亦扶同捏報耶此尤百思不得其情理者也案關搶賊逾貫重情儻係胡廷琛飾情捏報必當按擬嚴懲以儆刁風豈容起滅自由若係該縣規避處分設法消弭尤須澈究叅懲難任顛

預率結仰卽札飭南昌府親提人證研審確情據實錄  
供另詳察辦毋任迴護遷就切切仍候督部堂批示繳  
批永豐縣詳黃秀茂等謀命圖詐由

此案黃秀茂與黃昌慶同赴該縣挑腳營生共寓一店  
是其平日素好可知何以黃秀茂一經黃昆述談及劉  
大梁殷實忠厚怕事之語卽起意將黃昌慶致死圖詐  
且黃秀茂與黃昆述雖係同族一住永豐一住瑞邑本  
非素識嗣黃秀茂於上年十一月十一日來永豐尋覓  
挑腳始與黃昆述會面認識乃於十六日卽與黃昆述  
商謀將黃昌慶致死以僅僅識面之人而遽商及謀命  
吳文節公遺集 卷三十七 七

圖詐重情亦恐無此冒昧至當日黃昆述撞遇黃秀茂  
談及窮苦黃昆述卽以劉大梁殷實忠厚之言向告豈  
非蓄心圖詐乃現供又以謀命圖詐之意出自黃秀茂  
情節亦不合拍迨十八日黃秀茂誑令黃昌慶出店自  
係意在下手應必先與黃昆述約會乃各供內又稱黃  
昆述適往探望黃秀茂告知借宿情由黃昆述始行會  
意似屬不期而遇假如黃昆述是日不往探望黃秀茂  
將獨自下手耶供情尤爲閃爍至其邀黃昌慶同往飲  
酒之店戶縱或不識姓名而店在何處豈有不知是否  
果有其事亦案中一證該縣含糊置過種種支離難以

枚舉亟須確切研究以期水落石出仰按察司卽飭該縣振刷精神再行提集犯證虛衷研鞫實在如何謀命圖詐究明有無別情務得確實情節錄取切供另行通詳察辦毋再顛預草率致干叅咎仍候督部堂批示繳批鉛山縣稟查辦汎弁賄縱煙匪由

此案前據鉛山營都司稟揭當卽飭將王把總摘頂革任並札飭河口鎮同知顧丞提案嚴訊追起匿贓跟緝逃匪在案茲據鉛山縣稟稱都司與把總所移情節互異稟請本府提審等語查稟內稱闕里正稟初八日住河口鄔姓飯店將銀信並錢十二千安放櫃內本無交吳文節公遺集卷三十七

八

店主收藏之語該縣訊之店主鄔楊氏供闕里正並無洋錢交伊收藏惟木櫃及箱篋經把總搜煙一並起去是所供與闕里正之供相合而該縣指以爲所供互異何也况木櫃及箱篋乃籠統貯物之物該把總旣稱查獲時當該店主等眼同看明並無遺失物件銀錢云云究竟此木櫃及箱篋曾否打開逐一與鄔楊氏查看惜該縣未一耐心確訊耳儻訊得鄔楊氏切供則是否闕里正之藉端誣搶抑王把總之藉端攫財已可得其根據且木櫃箱篋該把總現已起獲曾否與短刀五把煙土四包一並呈繳儻並未呈繳則不獨攫取闕里正之

銀錢該把總恐百喙難辭卽匿報煙土多斤亦一斑可見總之該弁兵等儻現將匪犯賣放而轉擾及無辜則情節尤爲可惡仰按察司迅飭該縣將人證贓物解交河口鎮同知衙門收審仍由司飛飭顧丞速行查訊分別解辦至闕里正如果係平民該弁兵等實有攫取銀錢之事著卽一面訊取供結一面追贓給領釋放安業毋稍拖累切切此繳稟抄發

張等批豐城縣審詳武生楊儒傑等掉竊客銀由

查此案逸犯老張等掉竊任擇賢銀兩該縣初詳已據楊儒傑店夥張大有等供明係楊儒傑同謀陳二美亦

吳文節公遺集

卷三十七

九

自認知情受雇同行現詳據訊楊儒傑與陳二美均止事後知情分贓無論前後不符卽就現供而論當日老張等圖竊任擇賢銀兩如果楊儒傑等並非同謀其時老張等同夥已有四人何擔不可自挑而必託楊儒傑代雇陳二美同往迨其掉竊得銀之後自然飄然長往何又仍回楊儒傑店內察覈情形明係楊儒傑同謀串竊糾令陳二美同往坐家分贓今該縣謂楊儒傑並非同謀亦未同行不但陳二美供證確鑿卽事主亦供無異詞毋慮避就云云殊不知陳二美卽係夥犯其供豈足爲憑至事主則見楊儒傑未經同行耳又安能供其

不同謀耶此等匪類該前縣葉令不據實懲辦而設法爲之輕縱開脫是誠何心仰按察司速飭現署縣卽提楊儒傑追交逸犯老張等務獲到案提同研審實在如何勾串夥謀跟蹤掉竊確情錄取切供據實另詳察辦一面選差幹役一體嚴拏案關串謀掉竊逾貫重贓爲害行旅毋任延縱仍候督部堂批示繳

批崇義縣詳審辦竊賊郭定誥由

查此案被竊契據至二十一張借約至四十一張爲數不少若不急速代爲查清給照則小民被竊之情愈苦

且恐事後易啟爭端乃該縣於二十一年三月之案遲

吳文節公遺集

卷三十七

十

至二十二年二月始行詳報而猶云飭令事主呈明契載價值並借約戶名多寡分別給照備案云云作此未了之語究竟一年之久該縣何以不早爲辦理無論契據關係糧賦借約戶口紛紜加以書吏之藉端朦混差役之挾制刁難地方官稍爲忽略種種弊端相因而起小民冤苦益深况人情多幻儻事主竟有捏少報多情弊若不一一清理亦恐徒貽軫轄今該縣並不將所失契值借本向事主一詢僅稱被竊契約無贓可計將賊犯於計贓科罪之外量加示別顛預率結該縣之不能盡心民事已可概見除徑札南安府飭速確查訊覆外

仰按察司卽飭該縣將被竊契約逐一查訊確實分別  
給照立案清理明白另詳察奪毋任顛預再延仍候督  
部堂批示繳

札撫州府查訊臨川縣民朱桂茂控伊妻被朱全  
山毆斃一案由

本年六月二十九日據臨川縣民朱桂茂以伊妻鄒氏  
遭朱全山等兇毆立斃並門丁勒索等情來轅呈控本  
部院當查朱全山等因何突然將朱鄒氏兇毆立斃詞  
內旣無起衅根由又無見毆證佐含糊閃爍顯有不實  
惟控關人命且又牽及被告賄佈夤緣門丁勒索各情

吳文節公遺集

卷三十七

十一

虛實均應澈究批司卽飭該府親提訊辦並票飭巡捕  
官將該原告朱桂茂押發南昌縣遞回該府衙門收審  
去後茲據巡捕官回稱該原告業已因病回家查該原  
告來轅具呈不候發落率自潛回難保非架詞混告畏  
究避匿應先專提該原告到案研訊實在因何潛回並  
將其所告各情逐一指詰如果訊明別無情弊並所告  
各情確有指證再提被告與之質審究辦以杜逞刁拖  
累除加批發司飭遵外合行札飭爲此札仰該府卽先  
專提朱桂茂到案研訊實在因何潛回並將其所告各  
情逐一指詰如果訊明別無情弊並所控各情確有指

證再提被告與之質審究辦一面飭縣將相驗緣由作速填格通報察核毋稍刻延切切特札

批萍鄉縣監生劉卓城呈訴伊孫忤逆由

前據具呈已批司查案詳覆該監生之孫劉光明等經府提訊僅止私賣公山竹木未成並無盜當及兇推祖父母情事該監生之長子劉祥亭管理未分家產因弟婦劉鍾氏向其查算妄起猜疑致肇衅端將劉光明等分別擬以杖責戒飭並以該監生夫婦尙存劉鍾氏等本不得分財異居惟未分產業俱係劉祥亭管理既不免侵吞之弊卽難保無爭執之端斷令將家產四股均

吳文節公遺集

卷三十七

三

分詳司批結因該監生來轅呈控復飭府覆訊秉公斷詳在案察核該府原斷係爲該監生子孫杜絕爭端起見該監生年將七十何以尙執迷不悟是否劉光明等實有忤逆別情該府原審未經究出抑係劉祥亭圖管公產從中作祟仰按察司卽飭該府提集人證秉公覆訊確實如劉光明等果有忤逆情事卽按例懲治儻係劉祥亭從中作祟亦卽嚴究詳辦均毋姑容切切

批萍鄉縣監生劉卓城再呈訴伊孫忤逆由

朱子家訓云倫常乖舛立見消亡該生家庭之間如果實有此等不肖子孫則該生之平日絕無家教可知該

生身列成均非鄉愚可比先當自愧自責乃猶嗶嗶瀆  
訴殊屬不知羞恥前已批司飭府確訊分別懲辦仰按  
察司卽嚴催該府查照前批速訊詳辦該生卽赴府投  
質毋得屢瀆

吳文節公遺集

卷三十七

三



吳文節公遺集卷三十八目錄

公牘

批宜春縣詳蘇順侯截傷萬年科身死由

籤臬司覆審萬年科一案由

批臨川縣詳周楊氏因病自盡由

札臬司轉飭臨川縣稟覆審辦陳江氏一案由

批臨川縣詳審擬陳江氏自縊身死一案由

批臬司詳審擬彭澤縣民陳心明溺斃一案由

批藩司詳請

題旌吉安府民婦宋蕭氏樂善好施由

吳文節公遺集卷三十八目錄

一

札鹽道查明許灣卡員弁報獲私鹽有無隱匿由

札建昌府查訊新城縣詳報命案不實由

札安義縣贓冊短估由

批萬載縣會詳審擬楊先春服毒身死一案由

批崇義縣詳羅魯三因病自盡由

批廬陵縣詳會慶沅因向胞弟毆打自行致傷身

死由

吳文節公遺集卷三十八

男養原謹編

公牘

批宜春縣詳蘇順侯戳傷萬年科身死由

查楊齡坑地方既通大路往來之人不一而足豈能人  
人認識蘇順侯何致因萬年科面生遽疑匪人不許在  
彼坐歇迨萬年科往前行走蘇順侯儘可了事何以復  
向趕罵所訊起衅根由殊屬鶻突至蘇順侯胸膛一傷  
據稱因執住槍頭與萬年科兩相撻奪以致戳傷之處  
亦屬扭捏顯有不實不盡仰按察司飭再研審實在因  
吳文節公遺集 卷三十八 一

籤臬司覆審萬年科一案由

據該司審辦宜春縣民萬年科致傷蘇順侯身死一案  
人招到院經本部院提犯親訊據該犯萬年科供稱向  
在楊齡坑一帶地方縫衣與周氏姦好與蘇順侯並不  
相識蘇順侯亦與周氏有姦小的並不曉得那日蘇順  
侯撞見小的斥罵爭鬧蘇順侯拳取禾槍毆傷小的右  
手背小的跑走蘇順侯追至大路邊戳來小的轉身奪  
槍過手戳傷蘇順侯身死等語核與司招大相逕庭查

此案前據該縣通詳本部院當以所訊衅由鶻突批司  
飭審實情擬解該縣不能審出實情仍照原詳附會招  
解不解是何意見現經本部院提訊據該犯供出起衅  
情由厯厯如繪應速將犯發回該府飭令就近提集人  
證質訊明確據實錄供另招解勘合行籤飭爲此籤仰  
該司立即將犯發回該府飭卽由府提同人證再行研  
訊務得確情據實錄供按擬解勘儻該府存心迴護不  
速審實詳解甚或故事遷延將犯監斃均惟該府是問  
至該縣會令不審實情附會原詳是否僅止不能審出  
抑故爲捏造並飭該府查明稟覆察奪毋違切切此籤

吳文節公遺集

卷三十八

二

批臨川縣詳周楊氏因病自盡由

查周楊氏旣向有痰病周普廷夫婦同時外出並無一  
人在家侍奉致令病迷自盡此其應得之罪豈具結悔  
明之所能挽回耶且據現詳而論周楊氏痰迷復發旣  
有鄰人鄒文魁等看見往向氏媳周饒氏報知周楊氏  
在鄒顯川等園首自縊又經鄒文魁等幫同周饒氏卽  
救氏子周普廷回家周饒氏自必詳細告述知與鄒顯  
川等無涉周普廷何以欲令鄒顯川等幫錢棺殮迨被  
斥責復以鄒顯川等指字不還致伊母自縊等語赴縣  
報驗揆厥案情周楊氏並非因瘋自盡周普廷藉母屍

訛索已可概見假使因瘋屬實鄰佑人等且有應得之罪何以詳內全未擬及可見事本捏造不敢以罪名加諸無干之人也本部院前因各屬辦理自盡命案不顧案情若何皆以氣痛復發爲辭朦混詳結以致動輒輕生刁風熾盛業經札司通飭各屬凡有自盡案件務將實在因何自盡緣由據實詳辦不准再以因病爲辭乃該縣不肯實力遵辦仍照舊套具詳不過改氣痛爲痰迷以圖塘塞豈真積習相沿牢不可破耶言之殊堪痛恨仰按察司嚴行申飭並飭提集人證再行研審周楊氏實在因何自盡務得確情錄供另詳察奪如果實係

吳文節公遺集

卷三十八

三

因病自縊亦卽遵照通飭親身押帶人證來省聽候提審核辦均毋違延仍候督部堂批示繳

札臬司轉飭臨川縣稟覆審辦陳江氏一案由

本年閏七月十四日據臨川縣王令具詳陳江氏因病自縊身死一案到院本部院查此案前據王令具詳當以氏姑陳范氏曾在本部院行轅呈控伊媳陳江氏係被毆致斃核與所詳不符且據訊情節支離未確批司飭再研訊詳辦在案該令自應訊錄確供備敘前次具詳奉駁原委據實詳覆今閱來詳該令不但不遵確訊仍就原詳情節略爲敷衍襲用因病自縊套辭附會率

覆且將前次具詳奉駁各層於詳冊內概行抹匿將現  
審之供作爲初審供詞轉於附送候批之長詳文內含  
糊聲說是何辦法該令身膺民社已非一日試思應辦  
案牘有似此詳冊與長詳兩歧者乎至陳范氏控案該  
令如已訊明卽應隨案詳覆以便與正案互相察核茲  
長詳內又聲稱詳府核轉憑何察辦該令辦事何以顛  
預悠謬一至於此實所不解合行札飭爲此札仰該司  
卽便轉飭王令明白稟覆一面嚴飭現署縣銘令提集  
人證再行研訊確實真情錄取切供另行詳候察辦毋  
許迴護遷就所有王令現詳書冊及長詳各一件發司  
吳文節公遺集 卷三十八

四

轉發閱看仍繳還備案此札

批臨川縣詳審擬陳江氏自縊身死一案由

查此案前因該縣王令疊以陳江氏因病自縊朦混詳  
報批飭確審今旣訊明王燦春曾有著令陳江氏歸還  
代借錢文並氏子陳明俚虛立錢票並有若再遲延告  
官拘追之言則陳江氏之輕生確由王燦春之威逼王  
令前詳之因病自縊全係捏造乃詳內猶必硬行砌入  
是何肺腑且陳明俚僅擅當王燦春棉褲一條何以須  
立二千文票據若謂恐有虧空亦無預先寫票作抵之  
理况陳明俚與王燦春夥開穀店原議賺錢百文陳明

俚僅分十一文嗣陳明俚因生意淡薄卽他往傭工來去自由其非經手專管帳目可知何以慮其有虧而令其預立票據况尙有武啟壽同爲店夥如果陳明俚有虧不難三面指算無虧亦可保質而必更令寫票皆非情非理該令等不準情酌理研訊確實據此無理之詞顛預具詳並插入陳江氏自縊輕生適逢病發之語仍欲扭合原詳真屬不堪教訓仰按察司嚴飭再行悉心研審務得實在確切供情另行錄供通詳核辦如再草率顛預有心迴護一併嚴叅愼之切切仍候督部堂批示繳

吳文節公遺集

卷三十八

五

批臬司詳審擬彭澤縣民陳心明溺斃一案由

查抱忿自盡之案必有窘辱難堪之情此案彭澤縣原詳據稱陳心明從周春幅家牽回牛隻路過宋恆青門首宋恆青因見牛隻毛色與伊被竊原牛相似喊同饒烏瀧盤問阻留欲行送官經饒獻朝勸開並令陳心明找尋村內熟人往處交還陳心明因人地生疎無處找人慮恐回家被父責罵投河自盡當以不近情理顯有不實批司飭再研審在案茲據詳宋恆青因見陳心明牽牛路過疑竊查問因其言語支吾稱欲送究陳心明分辯不清棄牛跑走滑跌受傷經饒獻朝扶起陳心明

以平空被人疑竊牛隻又未牽回抱念莫釋投塘自盡  
查陳心明牽回牛隻本係己物宋恆青不過因其毛色  
與伊被竊原牛相似向問來歷陳心明自必據實向告  
有何支吾之處宋恆青等若止空言查問並無毆奪逼  
迫情事陳心明何至棄牛跑走甚至卽以身殉且跑走  
又先滑跌受傷揆其倉皇窘迫情形不特顯有逼辱難  
堪之勢更恐尙有迫毆跌溺重情現訊供詞隔塞支離  
全非實情案關谷達未便草率遷就致干部駭仰飭委  
員再行悉心研審實在如何疑竊逼迫如何嚇詐奪牛  
是否追毆跌溺抑係窘迫致令自盡務得各確情錄取  
吳文節公遺集卷三十八

六

切供據實另敘妥詳呈送核辦慎勿稍事遷就切切仍  
候督部堂批示繳

批藩司詳請

題旌吉安府民婦宋蕭氏樂善好施由

國家則壤成賦之正供不能以閭閻好行其德之施予  
當之本部院有督催之考成未敢冒昧具

題也該府錢糧積疲該守或亦思補救之耶意非不善  
然而誤矣官之侵者何許吏之蝕者何許宜如何清釐  
而責成之概未之聞也實在頑抗之欠戶宜如何化誨  
而懲儆之亦未之聞也徒沾沾於富戶之樂施轉得道

有司催科之責此不正本而逐末不核實而驚名泥於文字之美談知一而不知二者也且使激勸興感於錢糧果有裨益亦本院之所樂從也現在二十二年奏銷及各年舊賦該司正在造報比較之時吉安府各屬徵解之數進耶退耶抑疲如故耶可一核計而知也至宋蕭氏慷慨好施未可沒其善心當如何獎勵之處仰再由司妥議另詳察奪仍候督部堂批示繳

札鹽道查明許灣卡員弁報獲私鹽有無隱匿由爲札飭查覆事照得三月十七日據許灣卡文員試用未入流卓漆申報自正月下旬至二月底止續獲逸犯吳文節公遺集卷三十八

七

私鹽十一一起雖未據報獲大夥梟犯而查拏尙屬勤緊務飭勿稍懈弛爲要再向來據獲報鹽每擔連皮均重六十餘斤茲據報十一一起每擔約四十斤零不約而同頗滋疑竇雖梟販之物安能定以畫一之斤重惟揆其冒禁貪利之情儘一人之力極山路之險六七十斤斯爲得之今忽羣變而爲四十斤零恐係該壯役等有隱匿留賣情弊若果如是則緝私之人卽售私之人不獨私愈緝而愈充且適足以啟梟徒玩抗之端此則不可不嚴查究懲者也合行札查爲此札仰該道立卽轉飭金谿縣密查稟覆並飭該委員卓漆一併查明據實覆

辦毋任迴護徇延切特札

札建昌府查訊新城縣詳報命案不實由

本年十一月二十六日據新城縣通詳龔添林等致傷熊標身死一案到院據此查江德顯因犯事在逃經差役鄧榮等撞遇向拏不服拒捕值素不相識之熊標路過看見喝斥該犯黃二早黃大牙仔龔添林與熊標亦不認識熊標亦僅止說江德顯不應無禮並無幫捉爭扭情形黃二早等以不干已事亦不問明事由遽斥多管遽行毆打一無理也該差鄧榮鄔明袖手旁觀不獲不解二無理也熊標被打鄧榮等若弗見也者轉是熊

吳文節公遺集

卷三十八

八

橫拉鄧榮欲去稟官三無理也熊標止聲言欲行稟究黃大牙仔何至忿不可遏遽至放槍攻打四無理也江德顯前案另犯僅罪止杖事隔年餘該縣未必仍行差拏定係該縣昏庸闕冗未將前出差票撤銷以致虎差率領白役藉案嚇詐刁民頑抗不服羣毆斃命之外必尚有毆差之事該縣一概抹煞做出許多情節不知愈做愈敗露該縣本係庸才乃猶不核實辦案欲巧避失察之咎豈似此虛捏做案之習尙不可特叅耶除詳批司轉飭遵照外合行札飭爲此札仰該府立卽遵照親提全案人證確訊實情另行錄供通詳核辦如敢一字

徇飾定卽一併嚴叅不貸切切此札

札安義縣贓冊短估由

爲札飭事本年九月二十五日據代理縣換送事主熊際泰被竊案內贓冊到院據此查此案前據該前署縣沈令估贓造冊通詳當因冊開被竊金器每兩僅估銀九兩已屬短少其餘所估各贓亦諸多輕短有意不使逾貫批飭確估另造詳送在案該代理縣不遵照核實另估乃以所有金器均屬淡金衣飾等贓俱係破爛低潮爲辭仍照原估造冊頂覆試問此案該代理縣已能獲賊起贓否如未起贓該代理縣從何知其金係淡金吳文節公遺集卷三十八

九

更從何知其衣飾俱係破爛低潮強辭混辨不知該代理縣是何肺腑實令人憤悶爲此仰該縣立卽查明該代理縣如何朦混飾覆據實稟奪仍速將此案失贓核實確估限五日內造冊另呈該縣如再支吾不實定必一併嚴叅凜之贓冊扯碎不閱擲還此札

批

萬載  
宜春

縣會詳審擬楊先春服毒身死一案由

查此案楊先春如果因借欠王賓四錢文無償被王賓四逼索服毒自盡何以屍叔楊吉林輒以楊先春之妻王氏在王吳二姓家往來及王賓四統領男婦多人將楊先春叢毆並王賓四之妻不知將何湯水與飲服畢

卽斃等辭具呈報驗現詳雖稱據楊吉林供明係挾嫌捏報而核其所報情辭似非盡出無因且楊先春與王賓四誼屬郎舅其所欠之錢又止于文縱使王賓四催討逼索聲稱告官追究亦不過空言催索且經勸處走散楊先春何至就此輕生察核情節支離牽強縱謂楊先春實係輕生自盡而度其自盡根由總必別有衅端前署宜春縣王令不能審確究辦率以屍親狡展爲辭稟請委員會審藉辭卸責固屬庸懦無能而該縣會令等承審數月之久不究確切真情據實詳報只知遷就了案尤爲紕繆仰按察司卽飭袁州府提集人證親訊吳文節公遺集卷三十八

十

切供確情據實另詳儻敢稍涉迴護牽就率覆不以實情詳辦經本部院提省究出必將該府縣一併嚴叅稟之切切仍候督部堂批示繳

批崇義縣詳羅魯三因病自盡由

服毒身死之案並不用銀鍼探入咽喉查驗已屬不合且原勘羅魯三店屋一直三進而羅魯三係七十餘老人開設酒腐店何以別無一人且因病自盡已視死如歸何以又著人喚伊妻赴店所著之人適從何來何以並姓名而烏有之現詳殊未確實仰按察司確查詳奪仍候督部堂批示繳

批廬陵縣詳會慶沅因向胞弟毆打自行致傷身  
死由

查會慶沅不過摘食伊弟會富沅園內北瓜數箇會富  
沅疑竊咒罵會慶沅既聽聞出認會富沅猶復分辯已  
屬不恭且會富沅若僅止用言分辯會慶沅有何忿不  
可遏輒拾木棍向毆所訊起衅根由已屬支離至會慶  
沅所持係屬槌衣短棍會富沅如果執住求饒勢必對  
面支持低手哀告會慶沅用力奪回致棍頭戳傷胸腹  
以下之處或尙可信何能傷及胸腹以上之左胎膊况  
人情怒則氣揚困則勢俯故凡身受多傷或來勢兇欺

吳文節公遺集

卷三十八

十一

之案往往有低頭向撞者類皆無可如何窘困拚命之  
意此案會慶沅將棍趕毆被會富沅既格落其棍勢必  
益形忿怒或舉拳向毆或拾棍向毆以兄毆弟毫無窘  
困豈有忽然低頭向撞之情之勢得毋計欲安頓顛門  
偏右兩傷而捏辭混報耶查服制罪名本院春間會節  
刊簡明律條頒式各縣該縣平日視爲迂腐並不照刊  
廣布使愚民得以遷善遠罪及出有重案胸中先橫一  
救生不救死之說將各樣陋套生吞活剝不肯實事求  
是恨極忿極仰按察司卽飭該縣提集人證再行研訊  
實在如何起衅爭毆致傷胞兄身死究明下手確情錄

取切供另詳核辦儻敢稍事支飾卽嚴揭叅懲仍候督  
部堂批示繳

吳文節公遺集

卷三十八

七



吳文節公遺集卷三十九目錄

公牘

批德化縣詳瑞昌縣潘李氏因病自盡由

批樂安縣邱享八呈控爭山由

札臬司飭查貴溪縣匿報搶案由

批貴溪縣稟江添俚等夥搶由

札臬司飭查東鄉縣詳報揭魏氏因病自盡屍女

誤報叢毆屍夫查明具悔一案由

札臬司查究南城縣詳陳夏氏因病自盡一案由

批袁州府稟覆境內並無匪徒聚眾斂錢等事由

吳文節公遺集卷三十九目錄

批新建縣等詳船戶盜賣引鹽由

批代理崇仁縣詳陳王氏因病自盡由

批藩司詳銷崇義縣民人郭元肇妄控虞生郭芬

冒宗捏報五世同堂一案由

批鹽道稟覆龍母廟卡員擅責民人記過由

札臬司飭查許灣卡委員稟私販奪鹽毆兵由

批贛縣詳委審職員上控丁役詐贓由

簽贛縣游示枷犯由

公牘

批德化縣詳瑞昌縣潘李氏因病自盡由

查萬明等承票查傳王全交呈控潘明旺等誘賭一案  
輒以潘文斌係潘明旺等族長令其幫同尋交實屬藉  
端滋擾潘高美所稱潘明旺等不過被人控賭並非命  
盜重情不該責成家族尋交可謂確中弊竇萬明等尙  
不俯首伏罪復以一併稟官稟飭之言轉向嚇唬逼迫

情形業已顯露而謂潘李氏之死係屬因病自縊何以  
吳文節公遺集 卷三十九

一

不先不後適相巧值若此恐潘明萬所控萬明等逼勒  
致斃之處不爲無因若潘李氏委係因病輕生潘文斌  
因挾萬明等欲行稟官之嫌主令潘明萬捏情誣告潘  
高美唆使將萬明等誣回縛送至府刁狡已極二者孰  
實孰虛均應切實根究按律嚴辦不能稍事寬縱使死  
者含冤刁風增長乃瑞昌縣王令於此等無據賭案一  
票而出四差致釀事端已屬大謬該縣濟令並不據實  
究辦襲用因病自盡具結呈悔舊套任意開脫復以枷  
杖略示辦案認真朦抵本部院駁詰更屬荒謬仰按察  
司分別嚴行申飭一面卽飭九江府親提全案人證隔

別研訊確情實擬虛坐毋稍迴護飾延致干併咎切切  
批樂安縣邱亭八呈控爭山由

此案前據邱亭八具呈經前部院批飭錄詳旋據該縣  
以屢傳邱亭八抗不到案錄案詳銷批司核議轉詳在  
案本部院察核縣詳兩造互爭之茶子山總名蛇形山  
業經該縣勘量核與詹姓承丈及鱗冊所載字號弓數  
均屬相符其謂並非官荒尙屬可信惟據訊該山厯係  
邱姓租蓄當有舊批字據可憑儻因年久無存亦應確  
切聲敘何以該縣並未訊及復令寫立蓄字給詹字春  
等收執致滋藉口查核該民人現控呈詞極爲刁健應  
吳文節公遺集 卷三十九 二  
再提集訊明如果邱姓不願租種此山卽令出具退佃  
甘結斷令詹姓另行召佃以杜訟端如邱姓敢於把持  
藉久踞佃虎欺生滋事卽另治以應得之罪仰按察司  
卽飭該縣遵照審斷詳覆抄粘並發抱告邱吉星押發  
南昌縣轉解樂安縣押交邱亭八到案訊辦

札臬司飭查貴溪縣匿報搶案由

本年閏七月十二日據署廣信營叅將崔開泰稟稱船  
戶陳永貴被搶衣物錢文獲犯江添俚等情到本部院  
據此查該縣河道出此搶劫重案延今一月該縣何以  
尙在夢中並無隻字稟報合行札飭爲此札仰該司立

卽轉飭該縣速卽提犯江添俚審取確供同勘訊緣由刻日通報一面嚴拏在逃餘犯限十日內務獲稟報究辦儻再玩縱定卽嚴叅不貸切切仍飭將因何隱匿不報緣由明白稟覆此札

批貴溪縣稟江添俚等夥搶由

查江添俚等於黑夜夥眾入船搶取陳永貴衣物錢文情同盜劫該縣旣經事主具報又據拏獲江添俚訊供屬實起獲原贓自應照例收禁乃延擱一月有餘僅將該犯管押其意何居迨經本部院嚴札飭查復以訊因挾嫌而起並非無故搶奪亦無客貨被搶情事其江添

吳文節公遺集

卷三十九

三

俚恃無質證狡供避就必須關拘羅招財等到案方可質實是以未經稟報等詞混行掩飾豈衅起挾嫌江添俚卽無應擬之罪乎豈羅招財終久無獲江添俚亦終久不辦乎該縣才本平庸遇事再如此舞文支飾恐咎積難挽矣仰按察司姑先嚴飭并飭提犯研訊確情錄供同勘訊緣由先行通報一面勒緝逸犯羅招財等務獲究報此繳

札臬司飭查東鄉縣詳報揭魏氏因病自盡屍女

誤報叢毆屍夫查明具悔一案由

本年九月十七日據東鄉縣詳揭魏氏因病服毒自盡

屍女喻揭氏誤報叢毆並屍夫揭傳香查明具悔一案  
到院據此查此案揭魏氏僅因冒暑患病渴燥並非實  
在病磨難受者比論情不就此輕生况察核來詳喻  
揭氏於初五日回家親見其母患病親聞其母向述初  
二日有與喻萬氏口角之事則伊母之並未毆毆已了  
然胸中又延醫看脉不肯下藥則病重可知乃輒混以  
毆斃等詞投保報驗且憑空添一並未在場之喻金山  
指爲叢毆絕無急情明係誣報不知該代理縣從何處  
看出竟以情急懷疑等非理謬詞硬行插入爲之強解  
此真別有肺腸者况喻揭氏供內稱七月二十八日往  
吳文節公遺集卷三十九  
四  
餘干於閏七月初五日趕回家中初七日午後其母方  
死而該代理縣看內稱喻揭氏往餘干看親不知伊母  
先已在家服毒然則揭魏氏之服毒係在初五日以前  
既有喻天保見證究竟何日看見亦當訊明毒藥性暴  
何以遲至三數日後始行發作斃命該代理縣均未一  
一確訊詳敘率以此等供看不符之詳草草結報是誠  
何心至此案該縣於閏七月初八日據報稱於次早前  
往相驗屍夫揭傳香供稱初七日接伊女信知妻病初  
九日趕來伊妻已死等語是該縣相驗之日揭傳香業  
已到彼其同在屍場可知何以詳內又稱屍夫揭傳香

未到致稽詳報更屬自相矛盾案情閃爍支離絕無一處切實止以因病自盡誤報呈悔等相沿陋習生吞活剝該代理縣如此讞獄豈復能膺民社除詳另行批示外合行札飭爲此札仰該司卽日飛飭該代理縣再行提集悉心研審務得揭魏氏實在因何自盡確情據實錄供限五日內另行通詳察奪如再藉因病陋套稍有顛顛飾延卽飛速會同藩司將該員撤任叅辦毋致貽誤地方此札

札臬司查究南城縣詳陳夏氏因病自盡一案由

本月十五日據南城縣通詳縣民陳寶明之妻陳夏氏

吳文節公遺集

卷三十九

五

因病服毒身死一案驗訊緣由到本院據此查江西各屬詳報自盡之案每年不下百數十起無論因何自盡大率皆以因病輕生爲詞朦混詳報千篇一律曾經本部院嚴札通飭各屬嗣後如有自盡案件務究確切根由據實詳辦儻實有因病自盡之案卽押帶人證來省聽候提審嗣因該縣呈送十月分報驗命案清摺內開十月初八日據陳寶明具報伊妻夏氏因病自縊身死等情又經札飭確訊並飭司先將該令記過在案今來詳仍稱陳夏氏之自盡由於因病如果屬實何以不遵照通飭親帶人證來省聽候提審已屬有心抗違且核

現詳據訊屍夫陳寶明供稱十月初五日伊妻舊病復發半夜時分村鄰鄧守仁家被竊捕賊那時伊未在家伊妻起來查看受些風寒次日氣痛痰壅一齊舉發乘伊外出私服毒蟲餘藥身死伊聞信趕回等語是陳夏氏之受寒增病因病服毒均在陳寶明外出之際自非目擊可知其所供伊妻因病輕生之語畢竟誰見之而誰知之似此恍惚供情該縣豈真深信不疑耶尤可駭者該縣前送十月分命案之摺係十一月二十九日發申此案係十月初七日報驗距該縣申送前摺之日已及兩月該縣既親詣驗明陳夏氏係服毒身死何以前吳文節公遺集卷三十九

六

送摺內又稱自縊豈該縣親驗親審之案延至兩月是毒是縊尙不自知耶不解該縣昏愦糊塗何以一至於此合亟札飭札到該司卽飭該令親身押帶此案應訊人證來省聽候審明核辦一面會同藩司查明揭請撤叅以爲辦事昏惰不遵通飭者戒速速毋違特札

批袁州府稟覆境內並無匪徒聚眾歛錢等事由本院前因風聞分宜地方有匪徒聚眾歛錢等事是以飭令查察今據查覆並無此等匪徒但本院前次並非聞有十月初十賽神飲酒之事因而飭查不得以查出此一案遂確信爲傳言之訛仰按察司卽飭該府仍當

督屬隨時察查有犯必懲勿稍大意蓋此等糾眾聚會之事其始原未必卽係爲匪而鄉愚易惑若不化誨解散必致釀成事端是在地方官開誠布公不時化導杜其漸以防其微耳至草場墟廟宇供奉旣係真君何不卽顏曰真君廟而乃曰天符此等廟名亦殊不妥并飭卽捐廉將廟額易之此繳稟單抄發

批新建縣等詳船戶盜賣引鹽由

此案前據該縣等通詳訊據滕用明供認獨自盜賣引鹽四百二十包又蔡興富供與張邦瀧押載分裝引鹽二千五百包張邦瀧盜賣三百九十八包存鹽九十一

吳文節公遺集

卷三十九

七

包分給蔡興富變賣餘被漁戶撈散及落水漂失消化等情當經本部院以滕用明原裝引鹽一萬五千九百九十包據商稟收僅八千五百五十包所短甚鉅據訊滕用明與在逃之張邦瀧各止盜賣四百餘包及三百餘包餘皆誘謂著水消化及漁戶撈散顯有不實不盡批司會道轉飭確究詳辦在案茲據詳續獲張邦瀧到案訊止聽從滕用明盜賣三百二十九包並無分裝另賣情事滕用明亦稱到案心慌恐問重罪推卸捏供查該犯張邦瀧分裝鹽二千五百包與蔡興富押載並非滕用明一人供出尙有陳潮益等眾供僉同其盜賣情

形亦據一同押載之蔡興富吐露其非滕用明推卽可知現訊各供顯係串飾避就該縣等並不遵批向各犯確究盜賣實數核實懲辦轉將前訊各自盜賣之鹽改爲商同盜賣分作首從辦理任意捏飾故滋輕縱惡習如膏肓之病可恨已極仰鹽法道卽親提犯證嚴督該縣等悉心研訊據實另詳儻該縣等再敢意存延縱卽嚴揭叅辦仍候督部堂批示繳

批代理崇仁縣詳陳王氏因病自盡由

查陳鳳雲原報伊妻王氏與族兄陳二之妻洪氏口角被陳二毀謗毆逼自縊身死該縣沈令旣經前詣驗明吳文節公遺集

卷三十九

八

並不當場集訊究報遲至一月有餘調簾卽事該代理縣又不查照報詞切實根究輒用因病輕生舊套含糊具詳均爲可恨至陳王氏於七月初六日與陳洪氏口角經勸而止初七日早陳鳳雲親見陳王氏起身梳洗其爲無病可知陳鳳雲當同伊子出外縫衣隨後回家已見陳王氏在房自縊解救無及所稱氣病復發疼痛難受畢竟孰見之而執告之耶可見全屬一派虛言隨意混寫實屬玩視民瘼該代理縣劉佐係佐雜微員不知向上亦不足深責此後永不准代理縣事沈令故違定章延不出詳先記大過一次仰按察司移會藩司分

別註冊一面飭再傳集人證研審陳王氏與陳洪氏因何口角並陳王氏實在因何自縊身死陳二曾否毀謗毆逼務得確情另行通詳核辦儻敢迴護率延定干重咎仍候督部堂批示繳

批藩司詳銷崇義縣民人郭元肇妄控廩生郭芬  
冒宗捏報五世同堂一案由

查此案本不難訊斷縱使郭芬實係曾經出繼其子與孫皆其所出也此時亦不能忍令本房絕嗣亦必應歸宗且祖父年逾八十親見五代尤應亟成盛事况其本未出繼耶以此剖斷何兩造各執一詞之有更何須調

吳文節公遺集

卷三十九

九

譜爲該縣庸冗無能已屬可恨該府復以情同自首等活套爲郭元肇開脫長刁詘而擾良善殊屬欠協不得已爲郭芬全一族之誼姑免予杖責飭令該府當堂將郭元肇戒飭手板四十以示薄懲仍飭該縣將郭思樾五世同堂之案限五日內詳辦毋再抑悞干咎仰卽轉飭遵照此繳

批鹽道稟覆龍母廟卡員擅責民人記過由

查該卡從無報獲一二起大夥私鹽該委員弁等轉藉端滋擾行旅擅行笞責民人謬妄已極豈記過所能蔽辜據稟該員弁等覆峽江蔣令文稱民人李光節不服

查看咆哮辱罵等語無論係該員弁等事後一面之詞縱使屬實亦當移縣訊辦該員弁等何得擅施刑杖至據稟峽江縣會同張令稟稱據李光節會供卡兵上船查看並無私鹽卡兵不依將伊扭稟卡員答責等語究竟當時祇係兵丁抑會同巡役其擅責民人之處是否文員之意抑係武弁之意除札袁州協卽速將汪光興撤任飭速來省備質外仰按察司卽飭委員張兆福刻日回省傳同該武弁質問明確據實具稟以憑懲辦並移該署鹽道知照均毋遲違切切此繳

札臬司飭查許灣卡委員稟私販奪鹽毆兵由

吳文節公遺集

卷三十九

十

本月二十二日據金谿縣許灣卡委員卓漆等稟稱該委員等督帶兵役巡緝私鹽於十月十三日巡至金谿縣所管之雙塘崗市上拏獲私鹽並鹽販三名被該處鹽販周金書等聚眾千百餘人將人鹽一併搶去並將該千總等及兵役圍困毆打經該縣陳令趕到方得鬆圍當將拏獲鹽販周加喜交縣究辦等情前來查該犯周金書等販私被獲膽敢糾眾奪犯拒毆實屬不法亟應嚴訊查拏究辦惟該委員等當時拏獲私鹽鹽犯既稱被周金書等聚眾將人鹽一併搶去並圍困毆打何以又稱有拏獲之周加喜交縣究辦察核所稟情節顯

有不實不盡合行札飭爲此札仰該司即便會同鹽道速飭該府查明實在情形並親提現獲之周加喜訊取切供先行稟覆察奪一面迅飭該縣會督營汛嚴拏周金書等務獲稟報解府歸案究辦毋稍延縱切切此札

批贛縣詳委審職員上控丁役詐贓由

此案無論蕭彥陶原控被詐現洋四百六十元票錢一百千文與現詳情節不符卽據現訊而論蕭彥陶因其子蕭魁五誘賭被獲央託門丁吳四勿拏夥犯質究其時若非吳四向其求索嚇詐蕭彥陶何卽自許多銀並陸續增銀加錢揆此口吻其逼索嚇詐亦已情見乎詞

吳文節公遺集 卷三十九 十一

來詳謂止央託營求聽許虛贓顯係做案欺朦該縣向稱能事乃竟如此瞻顧迴護化案遷就殊屬可恨可惡仰按察司卽飛速移行現護道王守立提人卷親究確情據實另詳擬辦一面飭拘逸犯蕭魁五務獲併究勿稍瞻徇遷就切切仍候督部堂批示繳

簽贛縣等游示枷犯由

照得崇義縣已革職員蕭相吉聽從開標聚賭案內門丁吳四聽囑收受洋銀捺壓差票現據贛南道按例問擬杖徒惟該犯飢法營私實覺法輕情重今本部院量將該犯吳四枷號游示各縣以昭懲儆且使各該縣丁

役觸目驚心稍知警戒合行簽飭爲此簽仰贛縣立即遵照備文封貯此簽即將該犯吳四自贛縣用頭號枷示選撥安幹兵役押赴大庾南康上猶三縣每縣將該犯留枷三日崇義縣留枷十日以示警戒各該縣卽於此簽上蓋用印信並由各令親自書枷犯吳四於某日驗訖緣由毋許遺漏仍俟各處游徧再將該犯遞回贛縣疏枷解赴原籍定地充徒並將此簽仍遞歸贛縣徑行申繳毋違此簽

吳文節公遺集

卷三十九

三

吳文節公遺集卷四十目錄

公牘

批委員候補縣稟查覆贛縣攸鎮並無私店由

批貴溪縣周冕呈控堂兄妄爭分產由

批貴溪縣周運隆呈控爭產由

批貴溪縣周加賢呈控爭產由

札南安府查拏大庾縣門丁由

批南安府稟覆查辦大庾縣門丁由

批浮梁縣稟請興建書院由

批安仁縣詳審辦鹽犯周先發由

吳文節公遺集卷四十目錄

札瑞州府查訊鄧黎氏控案由

批瑞州府稟鄧黎氏控案由

批瑞州府詳鄧黎氏控案由

批南康縣詳委審王克昌控朱德運等藉命嚇詐

由貴溪縣稟查覆贛縣攸鎮並無私店由

札湖口縣查覆劉吳氏自盡一案由

批吉水縣詳李生保等直入巡檢衙署挾制由

批委員候補縣稟查覆贛縣攸鎮並無私店由

公牘

吳文節公遺集卷四十

男養原謹編

公牘

批委員候補縣稟查覆贛縣攸鎮並無私店由

查前准兩廣督院咨江西員弁跨越淮界於例食粵鹽之地混緝淮私以致商販畏阻粵引壅滯等因業經行道移行遵照在案茲張令奉委於泰和峽江等處既以查無屯私會同各該縣空稟飾覆了事至贛縣粵引界內果係查無私店私鍋何事多求而又妄拏粵界零賣粵鹽並未犯法之夏天洪等三苦人所獲之鹽纔百餘

吳文節公遺集卷四十一

一

斤臆指爲難免影射透漏旋復請從寬省釋顛倒錯謬是徒坐實越淮界緝粵私之惡名俾鄰省得據爲口實而於疏銷淮引之處纖毫無裨本部院揆其命意不過渲染查辦認真爲塘差見好之計於

國家公事全不顧及本院賦性至愚實不解於紙上花描違心許可也仰鹽法道卽飛飭張令迅速旋省一面飭贛縣將夏天洪等三人立卽釋放店屋啟封並將所獲之鹽按數給還具報查奪毋稍違延至淮引銷數本院惟有責成該道嚴勒各該地方官按額疏銷情悞則

効參而已此繳

批貴溪縣周冕呈控堂兄妄爭分產由

入分家產例不准告爭查閱抄粘該民人周冕之父周相賢與其弟周琬賢等分家事在道光六年不特當時立有分約且同分之周琬賢等均無異言今事隔十餘年之久周鐘瑞等突以分家不公等情違例控爭該縣本不應准理乃混准提訊又不速結懸宕遷延徒爲訟棍書差取錢地步殊非除莠安良之道仰廣信府卽飭該縣查照定例將案註銷毋庸再行提訊所有周冕呈案契據著當堂面給領回並不准交書差轉給以免措勒仍將遵辦緣由報明本部院暨藩司查考儻周鐘瑞吳文節公遺集卷四十一

二

等敢再混控或有串棍滋鬧之事卽專治以應得之罪抄粘並發該民人卽回縣請領契據毋延

批貴溪縣周運隆呈控爭產由

查告爭家財田產但係五年之上斷合照舊管業不許重分告詞立案不行定例昭然該監生等與周冕之父周相賢分析家財無論當時立有議約卽與分書無異就令當時並未立議自道光六年分析至今已隔十餘載亦不准違例告爭前據周冕來轅具呈本部院批飭銷案係照例辦理並非據一面之詞遽加批斷也茲該監生等詞稱前係暫分財產未清並稱周相賢匿契霸

產等情如果屬實何以不控爭於十數年前周相賢在生之日而控爭於十數年後周相賢身故之時其爲架飾妄告顯而易見現據該縣稟明已遵批將案註銷並將所呈契簿飭傳周冕與該監生等給領著卽赴縣請領安業儻再混爭或別滋事端本部院必將該監生嚴加究處勿自貽伊戚也稟之

批貴溪縣周加賢呈控爭產由  
前據周冕以周鐘瑞等告爭久分家產滋擾拖累等情來轅具控當經本部院批府飭縣查照定例將案註銷嗣據該監生周運隆等來轅具呈又經明晰批飭在案

吳文節公遺集

卷四十

三

查閱周運隆等前詞粘抄在縣所遞初呈本係告爭已分財產迨後續遞詞內始陸續添出私割祭田及洒糧等語本不足信今該監生等以違例告爭家產一節疊經批飭自知無可置喙轉以續後添控之霸吞祭產洒派糧賦藉詞呈瀆究竟所稱該監生等與周相賢置立祭田共有若干坐落何處何戶完糧會否載明祭產字樣周冕如何吞滅並何項糧賦未經派清何項契據未經分給又不於詞內詳晰聲明殊難保非架捏混訟意圖拖累仰南昌府先就現在來省遞呈之周加賢逐一親訊明確察核虛實錄取切供分晰稟候核辦毋許稍

有支飾含糊原告周加賢同抱告郭球俚押發該府收  
審

扎南安府查拏大庾縣門丁由

爲訪拏事照得本院訪聞現署大庾縣知縣有信用彭  
姓門丁卽係大庾縣人遇事生風枉法詐贓百姓莫不  
嗟怨亟宜嚴拏究辦爲此密札該府札到卽親詣該縣  
署中將其彭姓門丁鎖拏僉派妥役妥丁慎速押解來  
省候本院委員嚴究痛懲不准以查無其人爲覆亦不  
准以先經逐去爲覆更不得以有兩彭姓未知孰是爲  
覆如有兩彭姓卽一併解省該府雖到任未久旣失察

吳文節公遺集

卷四十

四

於前萬勿瞻徇於後自貽伊戚至該署縣是否串授分  
肥抑係昏庸失察亦就該府所知先行稟覆察核毋違  
此札

批南安府稟覆查辦大庾縣門丁由

大庾縣門丁彭貴遇事生風詐擾百姓該府卽不先知  
卽不先令驅逐本院亦不究其旣往乃故爲轉折適形  
其醜至所下劉經歷考語惟儉養廉以勤補拙二語則  
大謬不然該經歷係小有才之人儉吾不知也廉則難  
保勤或有之亦多用於私而非專於公凡事每以巧勝  
與拙字絕相反本院尙非十分憤憤者且無不以誠待

下亦最惡下之欺飾而該府乃以此嘗試耶無已姑坐  
該府以無知人之明可耳然則所謂彭貴之年少招怨  
並無舞弊詐贓之處均不可靠既已解省候委訊核奪  
仰布政司會同按察司卽飭該府知之至劉經歷究竟  
若何並飭該府再悉心查察據實稟覆勿延切切此繳  
稟抄發

批浮梁縣稟請興建書院由

查創建書院雖爲地方上之美舉若遂以爲目前之急  
務恐未必然卽如該縣羅藹暉呈控龔大惠掘墳匿棺  
一案經本院專札限一月訊詳至今月餘並無隻字申

吳文節公遺集

卷四十

五

覆該縣額銷引鹽歲不過二千餘引向年缺銷亦不過  
一二分果稍肯實力督銷何患不能盈溢本院曾諄諄  
訓勉竟置若罔聞察核月報銷數缺者如故又該縣年  
來所報估贓五十兩上下竊案不下十餘起未見一案  
破獲究辦是治具未畢張地方未盡理似尙有急於書  
院之舉者本院方時切疚心且使地方上實有好義樂  
善之紳耆辦有成局地方官鼓舞而玉成之尙屬理所  
應爾乃特委教佐紛紛勸諭題捐竊恐稍一未協卽流  
弊孔多正不可不慎也本院不阻止亦不嘉許該縣好  
爲之無鶩名高更無荒庶政是爲至要仰布政司轉飭

知照此繳稟抄發

批安仁縣詳審辦鹽犯周先發由

查該犯周先發據供家止一母並無兄弟妻子是該犯與母僅兩人耳計其所食之鹽通年當不及十斤該縣亦自知說有窒礙遂幻出農忙雇人需鹽一層未嘗不自以爲筆補造化殊不知周先發年逾五十並不能收十斛麥爲娶妻養親之計此其家甚貧縱使有十畝五畝之田縱使須雇短工一二人閱時一兩旬又安用此三數十斤之鹽耶恐該縣返而自思亦更無以圓其說矣該縣地方似此零星私販一日不知凡幾若必一例

吳文節公遺集

卷四十

六

坐以城旦不獨旋配旋逃愚頑仍漠不知儆且情法亦未盡恰當該令果能實心爲公審取確切供情其中如有與自行起意興販有間者何妨據實聲明與其執一而不足示懲不若變通而漸期收效將此等人犯用重枷枷號數月卽在通私要路示眾滿日重責保釋庶俾鄉匪得知警懼而畏供親老之弊亦不禁自除矣如此核實盡心本院必深嘉而樂從之乃必改販賣爲買食展轉詞費藉說謊以屈法又曷怪卡員之時與有司爲難而有司復不敢察舉卡員之弊實耶該令素稱能事竟亦墮此不堪之銅習殊爲該令惜之此案應如何研

訊核實重行懲辦及拘提李爵俚一併究治之處仰鹽  
法道會同按察司迅速議稟察奪並錄批報明督部堂  
仍候批示繳

札瑞州府查訊鄧黎氏控案由

本月初四日據高安縣民婦鄧黎氏遣抱鄧瑚呈控賈  
懸等誣良串詐等情一案本部院查鄧唐之是否窩賊  
原不可知惟賈懸無論是百姓是冊書均無捕賊之責  
乃擅將鄧唐捉拏其爲別有詐索情事已可概見該縣  
地方賊匪充斥儻因本院嚴飭緝盜遂縱合衙役肆訛  
是平日叅賊殃民現又假以題目添出誣良一層欲安  
吳文節公遺集卷四十

批瑞州府稟鄧黎氏控案由

據稟賈懸指引捕役陳發等將鄧唐捉獲勒令出錢贖  
取當贓不遂稟縣差押是鄧黎氏所控賈懸私捆勒詐  
串捕捏稟誣陷濫押各情已屬不虛至鄧選成呈出監  
照既經驗視明白卽應隨時發還乃事閱數月直至該  
府提卷到府始行查出當堂給領則該縣之措照不還

又屬確鑿均應澈究查辦該府現稟語詞尙多含糊且鄧唐如果於四月初十日經縣釋放何以鄧黎氏於六月初四日尙來轅具控更恐有不實不盡仰按察司飭卽勒傳過付南禮輝同出錢之鄧孫沙到案提同秉公質究務得確情據實詳辦慎勿瞻徇迴護並干重咎此繳

批瑞州府詳鄧黎氏控案由

查該犯賈懸於三月十五日誣指鄧唐買受賊贓將鄧唐捉回關閉嚇詐十八日卽有賊犯朱星拔供鄧唐寄贓之事其爲賈懸串差教供與丁役張福等擇肥嚇詐吳文節公遺集卷四十

八

情事顯然該前縣張令昏憤糊塗致丁差恣橫良民遭其荼毒該府平日不能表率迨被控發猶不切實究懲支吾粉飾於書差皆有意開脫殊堪憤悶仰按察司會同布政司卽飭勒令該前縣張令於半月內將家丁張福交出解府提同犯證切實研審務將棍徒丁役串詐虐民各情節一一從實究出按名嚴辦該府儻再有意迴護開脫不肯實辦必當一併嚴叅勿自誤也凜之切

切仍候

督部堂  
學

院批示繳

批南康縣詳委審王克昌控朱德運等藉命嚇詐

由

查王克昌前控書差人等藉命勒索各情甚爲確鑿且有抄呈何偉關說信字似非全出子虛自應切實究辦如係王克昌妄控亦有誣告反坐之律且原案朱德運以並非死者的屬出頭混控其爲索詐無疑該前大庾縣張令以此等自盡當場可結之案率派多差率行濫押尤屬可恨可惡乃現詳一味消弭混以懷疑砌控自行呈悔等套語沿習搪塞而於何偉通信關說一節無可支吾輒稱不知何人捏造非情非理一派胡言無非迴護前官庇縱書差調停化案本部院前係批飭南安府親提確訊該府何以不親提訊究而轉委闕冗顧預

吳文節公遺集

卷四十一

九

之南康縣實屬玩違仰南康府速卽親提確究限半個月審明務得實情按律詳辦如再徇庇支飾必將該府縣一併指叅以期稍挽化案縱差長刁積習切切此繳

札湖口縣查覆劉吳氏自盡一案由

湖口縣查覆

爲札飭事照得江西敝俗無知鄉愚往往因口角細故易涉輕生婦女尤甚其意不過謂拚此一死可以拖累讎家屍屬亦遂藉命以爲奇貨而書差地棍羣起而攫噬矣本部院亟思挽此頽波是以前頒各屬條約內有自盡命案詳結不得逾一月之限意期逐漸挽回馴至遵例屍場定案全賴地方賢有司平時曉諭開導遇事

核實速結不獨使書差地棍無從嚇詐屍屬無從訛索且使無知鄉愚曉然知死乃徒死不足拖累他人庶幾惡念不生因而保全性命此爲民父母者所尤當加之意也乃本院近閱各屬讞詳自盡之案不敢拖延至半年數月之久而然遲至一月兩月後出詳者尙復不免且大半不論是何衅由總歸至氣痛難受輕生云云夫病磨難受因而輕生者亦天地間所有之事然不常見也何以該有司等以此讞斷自盡之案比比皆是儻亦因陋就簡不肯盡心民事之微耶卽如該縣現詳劉吳氏因病自縊一案據訊五月十八日劉泗海因向劉吳氏

吳文節公遺集

卷四十

十

之子劉惠堂索討派修祖墳公費錢七百文劉惠堂央緩劉泗海率姪劉廣照遽將其家鐵鍋打碎劉吳氏卽於二十一日早自縊明係劉泗海逞強肆橫致貧家且無以爲炊故劉吳氏被逼氣忿計圖拚死拖累該縣自應當場訊取供結科劉泗海以威逼之條劉惠堂告實無庸議迅速出詳完案使百姓曉然知自盡爲徒死而書差地棍之嚇詐屍親之訛索舉無所施其技卽好勇鬪狠之徒亦帖然知所懲儆是辦一案而觀感者且無窮也乃計不出此遲延五十餘日始行詳報其間之種種弊端已不可問猶復踵訛襲謬以死者爲病磨短見

特展轉謂劉泗海恃強不合科以不應重杖又展轉謂  
劉惠堂混報不合姑念到案供明予以原恕如此詞費  
是必欲使無知小民茫然謂原來自盡命案地方官必  
須說謊方可完結屍親殊爲有權豈非陰誨之輕生耶  
而書差地棍之窺破本官伎倆目笑而幸其得計者更  
不待言矣民之父母得毋捫心而稍赧然乎除原詳已  
批司確查核辦外爲此札飭札到該縣卽先行縷晰稟  
覆已事無文飾嗣後當儆惕該縣以名進士出宰百里  
當卓然不儕於眾慎毋因仍而墮惡道也勉之勉之再  
據原詳內旣稱劉吳氏因病磨輕生夫病豈人之願有  
吳文節公遺集卷四十

十一

者而率被以擊由自作之看何耶蓋於民本無痼癥一  
體之意是以率謬之語觸處流露也並飭知之此札  
批吉水縣詳李生保等直入巡檢衙署挾制由

查該巡檢許慶春衙署之西護牆樹株究竟署內之樹  
抑係署外官樹旣云被大風吹倒壓壞屋瓦則已倒之  
樹必須從根鋸去何又止修靠屋枝極况樹旣壞屋無  
論屬官屬民雖鄉里比鄰亦當聽令修去豈有經官修  
鋸而李生保敢突然阻鬧之理且官樹官修亦何從挾  
制看來李生保等鬪署喧嚷是實其修樹起衅恐尙多  
不實不盡李生保等藐法侮官刁風斷不可長現在供

情已有應得之罪儻不止此定當嚴訊察究置之重典  
以儆不法而該巡檢平日有無貪劣擾民使百姓先有  
輕侮之心及此案是否應修之樹果否李生保等憑空  
膽玩目無法紀必須確切究明不容絲毫含混該署縣  
王令於地方上有此不法之民平日之不能教化已難  
辭咎儻再有徇飾遷就案情不能核實更當一併叅懲  
除札臬司外仰吉安府立即親提此案人證澈底確訊  
限十日內稟覆察奪毋稍徇護飾延致干併叅切切再  
李生保供內年歲漏未訊及立即訊取附覆仍候督部  
堂批示繳

吳文節公遺集

卷四十

吳文節公遺集卷四十一目錄

公牘

批南昌縣稟每月銷鹽數目未便據旗商所稟作  
數請仍照子店所報銷數開呈由

批安義縣詳彭張氏溺斃由

批泰和縣詳劉以紹致死功兄劉以棉由

批萍鄉縣詳遞籍人犯脫逃由

批湖口縣詳請將監生張琳珍革審由

批湖口縣詳楊李氏溺斃由

批南城瀘溪縣會詳瀘溪縣鹽犯周春桂等奪鹽拒捕

吳文節公遺集卷四十一目錄

由

批湖口縣詳船戶趙祥益盜賣引鹽由

批湖口縣稟查辦船戶趙祥益由

批臬司鹽道會詳萬安縣鹽犯受雇挑私由

批吉安府稟獲窩私人犯由

批南安縣稟請日除鹽燬日未動懸賞稟

批吉安府稟請日除鹽燬日未動懸賞稟

公牘

吳文節公遺集卷四十一

男養原謹編

公牘

批南昌縣稟每月銷鹽數目未便據旗商所報作  
數請仍照子店所報銷數開呈由

據稟欲以子店所繳之小票作爲銷數方能核實而昭  
公允看去似覺有理之至而不知誤矣子店之小票本  
係舊有之章程鹽旗之三聯票係上年本院新立之章  
程舍舊章而特設新章豈故求不實故示不公哉蓋必  
鹽旗每月所報之銷數方是實在銷數方可作地方官

吳文節公遺集

卷四十一

一

實在銷數而鹽旗每月之銷數正是子店每月之進數  
而子店每月之銷數不與焉子店每月之銷數何以不  
足爲憑何以不能作爲兩縣之銷數有故焉蓋子店躉  
買零賣不能劃清月日有如甲月買進之鹽銷售不完  
牽留至乙月扯銷推之丙丁各月無不皆然欲查與鹽  
旗每月之銷數鍼孔相符勢必不能且有甲年未銷完  
之鹽牽而至乙年扯銷者其中影射多報藉以售私甚  
或縣中教令多報以爲銷數好看地步本院無從查察  
此所以改令立鹽旗之三聯票而後南新兩縣之實在  
銷數始得水落石出也茲據稟欲仍以子店之小票作

爲銷數自以爲核實殊不知不能核實自以爲公允殊

不知不能公允

子店所賣與零店之鹽亦不能一一悉知其某鹽必賣與南昌食戶某鹽必賣與新建食戶其所繳之小票亦祇以意爲之可多報南昌者即可多報新建該縣刻舟求劍失之遠矣該

縣試息心靜氣取上年鹽道詳批飭遵之原文細細體

會再與明於此事者反覆推敲當可豁然得其解耳若

不求其端不訊其末悻悻執一自以爲得間豈他人盡

魯莽不曉事耶其用心皆遜於該縣耶思之至本院八

月初七日接該縣摺報七月分銷數當因銷數太少十

一日卽批道嚴飭嗣於八月二十二日接新建縣摺報

七月分銷數更少閱今七日之久本院尙未批飭殊不

吳文節公遺集

卷四十一

二

公允此本院之疎本院辦事之遲緩深自咎責現已嚴  
行批飭矣並知之此繳

嗣後該縣每月銷數仍照鹽旗所繳三聯票之銷數開

報不准照子店所繳之小票作數以杜牽混影射無須

批道飭商再議又批

南昌年額四萬八百餘引新建年額三萬七千五百餘

引本院稽核惟以七萬八千餘引爲總數合計該二縣

共銷若干引爲銷數不能剖計也蓋南昌界內之鹽店

不能不賣及新建之食戶新建亦然南昌界內之私鹽

不能不侵及新建之境新建亦然卽如四月分新建報

銷二千四百餘引南昌只報銷一千引零五月分新建報銷二千二百餘引南昌只報銷九百餘引本院不能獎新建而斥南昌也該令見理未透遂至胸中自生隔閼孔子曰無小大無敢慢該合其加意焉又批該縣等此時正宜同心合力認真緝私公事方能有濟不本之揣而末之齊殊非計之得者又批

批安義縣詳彭張氏溺斃由

仰按察司核飭立案至彭張氏年甫十二因尋覓小豬黑夜冒雨致失足落河身死小民勤苦之概閱之使人惻然該縣謂其孽由自作不知該縣何所見而謂其作吳文節公遺集卷四十一  
三  
孽也信手違心責以父母斯民之誼毋亦赧然乎并飭知之仍候督部堂批示繳格結存

批泰和縣詳劉以紹致死功兄劉以棉由

此案劉以紹致傷大功堂兄劉以棉身死服制攸關自應嚴究下手確情核實辦理以肅倫紀今原驗劉以棉胸膛一傷重至骨損如果劉以棉因用刀柄向該犯毆打該犯僅接住求饒非彼此兩相力持可比劉以棉將刀奪回何致自戳胸膛重至骨損察核情形明係該犯有心干犯逞兇戮斃該縣不從實辦理曲爲開脫殊非辟以止辟之道仰按察司飭再研審起衅爭毆致傷身

死究明實在確情查明服制繪圖按擬招解不准故爲輕縱致干叅咎仍候督部堂批示繳

批萍鄉縣詳遞籍人犯脫逃由

此案孔西桂孔湯氏係遞籍候審之人並非強盜匪徒况孔湯氏係屬婦女該解役以四人管解二人尙任其脫逃必無此情理其爲得賄故縱無疑仰按察司卽飭該縣迅將解役四名卽行解省以便嚴究並會同藩司先將該縣記大過五次勒限一箇月將孔西桂孔湯氏拘緝到案逾限無獲卽揭詳叅懲且查前准湖南撫院咨會將孔西桂孔湯氏湯錦堂等一并遞回臨川縣審吳文節公遺集卷四十一

四

辦今來詳僅止孔西桂孔湯氏之名其湯錦堂曾否并解未據聲明並飭查明具覆仍候督部堂批示繳

批湖口縣詳請將監生張琳珍革審由

據詳楊恒太具控張琳珍欠伊銀錢伊妻李氏向討不還反恃強嚇逼致李氏投塘溺斃嗣據監生張琳珍以楊恒太訛詐不遂縱妻李氏至伊家潑鬧李氏自行失足落塘溺斃等情具訴經該縣提訊兩造各執一詞自應向楊恒太確訊張琳珍所欠究竟係何項銀錢共有若干有無證據楊恒太何以不自往取轉令伊妻向索張琳珍如何恃強嚇逼李氏投塘溺斃何人看見逐一訊

明傳質以期水落石出今該縣概置不問亦不將相驗情形填格通報僅以張琳珍堅不承認一語詳請革究未免顛預仰按察司飭卽遵照前指研訊確情錄取切實供詞同相驗緣由填格另行通詳核辦毋任率延切切仍候督部堂批示繳

批湖口縣詳楊李氏溺斃由

此案楊李氏溺水身死前據該縣詳報屍夫楊恒太控被張琳珍恃強嚇逼投塘溺斃提訊兩造各執一詞請將張琳珍監生斥革嚴究當經批司飭令確訊錄供同相驗緣由另詳核辦嗣據張琳珍之母張劉氏以周景吳文節公遺集

卷四十一

五

凡等主使楊恒太憑空訛索移屍圖賴門丁串詐未遂舞弊朦革等情在本部院途次呈控又經批司飭府親提確究在案茲據詳楊李氏因張琳珍指留田價前往索討行至張琳珍門首港邊失足落水身死無論與張劉氏控情不符卽就現詳而論楊李氏借欠張琳珍錢文伊夫楊恒太豈有不知之理楊恒太旣因無錢使用將田賣給張琳珍爲業其需用孔急可知何以因張琳珍欲扣楊李氏欠項轉將張琳珍已交之銀一併付還任其指留迨後又不自行往取轉由楊李氏屢向索討種種支離案情全不核實且原驗楊李氏眼合手握與

洗冤錄載失足落水情形亦不甚符合尤爲可疑關鍵  
案已批司飭府親究仰按察司卽飭該府查照前次批  
詞及現在指飭事理作速提集人證親訊確情據實錄  
供通詳察辦不准稍有含糊仍以具結呈悔等詞顛預  
率結并干叅咎切切仍候督部堂批示繳

批

南城瀘溪

縣會詳瀘溪縣鹽犯周春桂等奪鹽拒捕

由

查額外王晉榮帶兵黃錦彪等十五名前往緝私鹽犯  
均已竄入貴溪縣境僅止四人將鹽撩棄該額外當時  
既未便越境追拏自應將所獲鹽簍督飭兵丁一同護

吳文節公遺集

卷四十一

六

解回汛據稱先令元連升等十一人走回止令黃錦彪  
等四人分攜鹽簍意欲何爲此不過欲開脫十五人何  
以不能敵鹽犯四人護獲鹽八小簍之曲筆本院天良  
未喪不能爲所愚也至所挑鹽斤既據現犯吳芬生等  
供明係赴金谿縣破港地方王春榮所開雜貨店內交  
卸是私販銷贓已有著落何以並不委員關移查封緝  
犯尙得謂之盡心辦事耶總之該縣等凡遇鹽案無不  
千方百計設法消弭並不切實審究不過委之陋幕紛  
飾圓誑殊不知事不核實處處露出破綻偷安玩令可  
恨已極仰按察司立卽會同鹽法道飛飭建昌府委員

移行撫州府金谿縣查封緝犯解究一面勒緝逸犯王春榮等務獲提同現犯另行研審販私被獲奪鹽拒傷汎弁及周春桂等如何夥同興販情事務得確供另詳察辦不准絲毫捏飾以重

國法而戢悍俗至籤稟所稱周新保係受雇爲王春榮挑私又稱另有何拱生與周新保各帶鹽斤與王春榮並非同夥究竟周新保係屬一人乎抑兩人乎隨手混敘視公事爲兒戲尤爲可恨卽嚴飭查明稟覆並飭以後不准用紅單粘籤切速切速仍候督部堂批示繳

批湖口縣詳船戶趙祥益盜賣引鹽由

吳文節公遺集

卷四十一

七

查運鹽船戶將裝運引鹽沿途盜賣捏報淹消最爲鹺務大害不獨有虧商本且所盜賣之鹽卽爲私鹽散布各處佔銷引地此案船戶趙祥益裝載黃正太旗引鹽四萬四千餘包赴縣稟報淹消現據究出該船戶有盜賣情事是其盜鹽售賣捏報淹消業已敗露該縣卽應嚴切根究據實懲辦乃該船戶狡稱盜賣之鹽僅四百五十包該縣卽不深究不知該縣何所憑而信其盜賣僅止此數不過爲計贓科罪輕減罪名地步至河保卽係分贓包庇之人儻供未經看見尙或實情今乃供看見趙祥益船隻遭風卽此可定其串盜分贓况商廝吳

振魁在途自縊情亦可疑該縣不從實究辦含糊詳報預存化大爲小之見牢錮陋習面訓不悛實堪痛恨除札鹽法道轉飭移查審辦並徑札該縣遵照外仰按察司速飭該縣移查商廝吳振魁致縊緣由一面提犯嚴審實在如何盜賣引鹽捏報淹消務得確情另錄切供據實通詳按擬解辦儻敢再行顛頑必予嚴叅慎勿自貽伊戚也凜之仍候督部堂批示繳

批湖口縣稟查辦船戶趙祥益由

查此案前據該縣通詳因所訊供情含糊不實當經批司轉飭嚴訊並徑札該縣提犯確審在案今據稟前情吳文節公遺集卷四十一

八

查稟稱船戶具報在下石嘴地方淹消今查在永和洲相距十里等語該船戶因何捏報該縣當時如果親勘何至漫無覺察而其時巡江員弁鹽快人等何以一無聞見該縣亦絕不查訊且船旣擱淺其船身器具非紙糊者豈能飄散時經四五月之久其爲人拆賣無疑滿紙無理之謊荒謬已極該縣前旣查訊不實現復種種含混實屬可恨仰按察司卽會同鹽道飛札湖口縣將差役曹福及案內應究地保鹽快人等一併卽日鎖解來省委員嚴訊究辦一面會同藩司將該委員詳咨斥革以憑訊究此繳

批臬司會詳萬安縣鹽犯受雇挑私由

此案前因萬安縣竇合不肯從實究辦顛預通詳經本部院批司嚴飭審究今既究出該犯羅羽空聽從火燒鬼迭次在贛縣小分水謝姓店內買鹽挑赴泰和縣白鷺街光興飯店售賣是謝姓與光興飯店爲積慣濟臬國私要犯謝姓在小分水地方係贛縣所屬或未便越粵引地界查拏而泰和縣所屬之白鷺街光興飯店何以亦不拏辦萬安廬陵二令尙可諉曰鄰封而吉安府則皆其所轄也該守亦可以關緝另結了之耶有意顛預玩視公事殊爲可恨泰和縣平日任令地方私販窩吳文節公遺集卷四十一

九

國已難辭咎事發猶不迅緝跟究闕冗已極此案總須將興販之梟匪窩國之私戶一一拏獲懲辦斷不准草率了結仰卽飛檄吉安府限文到十日將光興飯店積窩匪犯報獲取供詳辦如不獲犯空言飾覆卽將該府及前署泰和縣一併揭叅仍錄批報明督部堂並候批示繳

批吉安府稟獲窩私人犯由

拏辦窩國爲杜絕私鹽要著此案光興店夥彭元海歷次窩私該地方官及鹽卡員弁先不察拏已屬形同木偶迨獲犯羅羽空到案供出猶不拏辦聽其窩鹽以致

毫無顧忌設非本部院嚴批指飭勢將置之不問白羊  
坵北圯各卡員弁所司何事於此等積慣窩梟不緝不  
拏怠玩因循徒糜經費似此不知羞恥之員弁該府縣  
何必猶以訪拏協獲套詞爲之周全耶現在彭元海旣  
已解府此係積慣窩戶其所供窩過私鹽五六次必不  
止此該府務當從實跟究勿再含混其餘逸犯火燒鬼  
等尤當飭屬按名嚴拏獲辦勿再顛預遷就仰按察司  
會同鹽法道速飭遵照提犯彭元海嚴究窩私實在次  
數及窩過鹽犯的實姓名逐一跟追拏辦一面督飭萬  
安泰和二縣勒限嚴拏逸犯火燒鬼劉尙泮務獲併究  
吳文節公遺集 卷四十一 十

並飭贛縣查傳謝姓店內賣鹽之人確訊售私實情一  
併按擬詳辦均毋延縱切切此繳

